

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
KANTONALNI SUD U GORAŽDU
Broj: 005-0-Su-24-000124/3
Goražde, 30.07.2024. godine

Na osnovu člana 8. tačka k.) Pravilnika o unutrašnjem sudskom poslovanju („Službeni glasnik Bosne i Hercegovine“ broj: 66/12, 40/14, 83/22) te člana 21. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“ broj: 49/05, 45/10 i 103/21), Kantonalni sud u Goraždu, predsjednica suda Milijana Bjelović, dana 30.07.2024.godine objavljuje slijedeći

INTERNI OGLAS

**za popunu upražnjenog mjesta namještenika Viši referent – Blagajnik likvidator
na neodređeno vrijeme – jedan (1) izvršilac**

OPIS POSLOVA: Prijem faktura, kontrola faktura, vođenje evidencije knjiga faktura, pravljenje virtmanskih naloga po dostavljenim fakturama, realizacija virtmanskih naloga, ispostavljanje izlaznih faktura, naplata izlaznih faktura, izrada naloga za plaćanje putem trezora, unos promjena u glavnoj knjizi, gotovinska isplata, usaglašavanje blagajne sa trezorom, isplata iz blagajne, vođenje blagajničkog dnevnika, evidentiranje oduzetih predmeta u sudskim postupcima, knjiženje osnovnih sredstava, usaglašavanje inventarnog stanja sa knjigovodstvom Suda, obračunavanje plaća i naknada za zaposlene, obrađivanje tih podataka i vođenje odgovarajućih evidencija o tim podacima, izdavanje uvjerenja i drugih akata, obrađivanje svih vrsta uplata, naknada i drugih primanja korisnika usluga, vršenje blagajničkog poslovanja i vođenje propisane evidencije o tom poslovanju, vršenje svih drugih poslova iz oblasti materijalnog, računovodstvenog i finansijskog poslovanja koji nisu obuhvaćeni ovim opisom.

POSEBNI USLOVI: Završena srednja škola (ekonomska, upravna ili gimnazija), 10 (deset) mjeseci radnog staža nakon završene srednje škole, položen stručni ispit za rad u organima državne službe.


POTREBNI DOKUMENTI: Uz prijavu na oglas kandidat je dužan priložiti sljedeće dokumente: Uvjerenje o državljanstvu (ne starije od šest mjeseci), Izvod iz matične knjige rođenih, diplomu o završenoj školi, uvjerenje o radnom stažu i položenom stručnom ispitu, potvrdu da u posljednje dvije godine od dana objavljivanja oglasa nije otpušten iz organa državne službe zbog disciplinske kazne i da nije obuhvaćen odredbom člana IX tačka 1. Ustava Bosne i Hercegovine. Kandidat koji bude primljen u radni odnos naknadno će dostaviti i ljekarsko uvjerenje.

Priloženi dokumenti moraju biti u originalu ili ovjerenoj kopiji.

Interni oglas ostaje otvoren deset (10) dana od dana objave na oglasnim pločama organa državne službe i sudske vlasti.

Prijave na interni oglas sa traženim dokumentima predaju se upakovano u kovertu neposredno u pisarnici Kantonalnog suda u Goraždu ili putem pošte na adresu : Kantonalni sud u Goraždu, Trg branilaca broj 2, treći sprat sa naznakom „Prijava na interni oglas - NE OTVARAJ“.

Nepotpune, neuredne i neblagovremene prijave neće se uzeti u razmatranje.



PREDSJEDNICA SUDA
Milijana Bjelović